

地 250.15

36
13

新建縣志
卷三

新建縣志卷之三十九

人紀志 文苑



新建有山有水有人人有文山亦有文散原雲物朝暮多
異色不可形容水亦有文贛江彭蠡自爲源委十川一瀆
靈怪惶惑出入其中言江西山大者散原水大者贛江彭
蠡山水之文地之理也其上爲天文北斗南斗均第
四星分又台星應之新建吳域隸豫章蓋得天地如此其
私也人可傳不必文文可傳有其人前乎逝者後乎興者
其在山水之間乎

新建縣志

卷三十九 人紀志

一

新建縣志卷之三十九

人紀 文苑

漢

李朝字伯丞有文章才桓帝時爲魏郡監黎陽營謁者和平元年立張公神道碑于黎陽朝作歌九章頌之其一曰綦水湯湯揚清波東流九折注于河滌盪塵滓趨朝歌縣以潔靜無穢瑕公與守相駕蜚魚往來悠忽遠嬉娛祐此兆民安厥居其二曰出自綦陽遡河津松柏鬱茂蘭茝芬靈神往來乘浮雲種德收福惠斯民家饒戶

新建縣志

卷三十九

人紀文苑

一

富無賤貧疆界寂靜和睦鄰其三曰朝歌蕩陰及黎陽三女所處各殊方三門鼎列推其鄉時携甥幼歸候公夫人肅穆多容光烝穀膾鯉饗玉觴穆風屑兮起壇旁樂吏民兮永未央其四曰鹿呦呦兮馴廟庭文爍爍兮以和鳴飲清泉兮食豐草見起伏兮不駭驚惟公德兮之所凝上陵廟兮助三牲天時和兮甘露零曰番番兮無虧傾其五曰鳳凰蜚兮朱鳥栖梧桐榮兮鳴喈喈鵲巢兮乳徘徊給御卵兮獻于西惟公德兮之所懷其六曰池水徵兮釣臺粲四角樓兮臨深澗魚岌岌兮踴

躍見振鱗尾兮游肝肝時鈞取兮給亨獻惟公德兮之
所衍其七曰粟蕭草兮藜鋪陳新美萌兮香苾芬蕙草
生兮滿園田競茗茗兮給萬錢惟公德兮之所蕃其八
曰門堂鬱兮文耀光公神赫兮坐東方明暴視兮儼印
印夫人三女列在旁陳君處北兮從官降車騎絡繹兮
交錯重乘輓輶兮駕蜚龍驟白鹿兮從仙僮游北岳兮
與天通其九曰元碑旣立雙闕建兮峇巖聳峻大路畔
兮亭長闌人永扞難兮列種槐梓方茂爛兮天下遠近
罔不見兮公神日著聲洞漏兮作配乾坤傳億萬兮洪

新建縣志

卷三十九

人紀文苑

二

迺隸釋

省志

府志

按亨卽古烹字

三國吳

徐宗以才辨著名與孔北海融交善仕吳爲中郎將

南昌

者舊記 省志

按徐宗林志不載安志南昌耆舊記有徐宗無徐崇

豫章書旣載徐宗又載徐崇絕無事蹟蓋宗與崇字

體相近譌爲兩人也今仍安志

省志原跋

沈友年十一太守華歆出行風俗見而異之因呼曰沈郎

可登車語于友遠巡却曰君子講好會好以禮今仁義
陵遲聖道漸壞先生啣命將以裨補先王之教整齊風
俗而輕脫威儀猶負薪救火無乃更崇其熾乎歆慚曰
自桓靈以來雖多英彥未有幼童若此者仕爲丹陽太
守册府元龜南州舊聞

謀禮字秀登大帝時舉德行拜尚書倉部郎中撰書儀十
二卷行世省志

按氏族大全以禮爲漢人豫章書旣以爲漢人又以
爲吳人兩處重見今從白志省志原跋

新建縣志

卷三十九

人紀文苑

三

徐整博學好著述吳時官太常卿吳亡仕晉有豫章列士
傳三卷手詩譜三卷孝經嘿注一卷三五歷紀二卷通
歷二卷具鄭樵通志藝文畧南昌耆舊記省志府
志

六朝

鄧粲字文艷父遄漢唐邑令自南陽徙家焉粲美姿容眉
目疎秀腰帶十圍善言詞博通經典仁孝絕備器量宏
達任散騎常侍撰晉志十卷太平御覽省志府志
鄧氏世美集

按晉書鄧粲長沙人與此事蹟亦不同別是一人也
粲林志者舊記皆作燦通志作璨今從太平御覽又
按粲撰有晉史其爲晉人無疑林志譌爲三國吳人
今改正 省志原跋

按府志粲作燦晉時堂邑太守

熊鳴鵠縉子官武昌太守能文章有文集十卷 豫章古今

記 省志 府志

按鳴鵠好釋氏學嘗捨宅爲蘭若號禪居寺今城東
南普賢寺是也別序入寺觀內

新建縣志

卷三十九 人紀文苑

四

諭歸晉世官西河太守撰西河記二卷 廣韻 省志 府

志

按諭本姓讀如樹後子孫改爲愈又改爲喻梁有安
州刺史愈藥卽宋喻樗之祖也 府志原注

熊默晉時官會稽太守撰豫章志三卷 南昌耆舊記 省

志 府志

按浙江志默官會稽刺史次多錄晉時有熊欣撰豫
章舊志後推一卷

鄧忠佐著交州記三卷 豫章書 鄧氏世美集 省志

俞益期性氣剛直不下曲俗容身無所遠適交州與豫章太守韓康伯書曰惟檳榔樹最南游之奇觀子旣非常木亦特異余在交州時度之大者三圍高者九丈餘葉聚木端房棲葉下華秀房中子結房外其擢穗似黍其綴實似穀其皮似桐而厚其節似竹而概其中空其外勁其屈如覆甕其伸如繩繩本不大末不小上不傾下不斜調直亭亭千百若一步其林則寥廓庇其蔭則蕭條信可以長吟可以遠想但性不耐霜不得北植必當遐立海南遼然萬里不遇長者之目自令人恨深又到

新建縣志

卷三十九

人紀文苑

五

飛鳥有作謂此鳥其背青其腸赤其心缺露鳴清未達終日歸飛飛不十千路由萬里何由歸哉蓋寄况也著交州棧傳于世 豫章書 省志 府志

熊襄著齊典上起十代其自序曰尚書堯典謂之虞書則附所纂述通謂之齊書亦名河洛金匱 南齊書 省志

府志

唐

徐玉高士禔之後博綜經史文辭婉麗聖歷中登進士第解褐補王府參軍轉秘書郎加朝請大夫遷觀察判官

執法公清爲當時所忌轉曹州司馬

府志

熊暄家貧躬耕力學大歷中擢進士第授祕書省校書郎著文選穎悟并文集五卷

省志 府志

陶公達父雅溫州別駕公達幼能屬文建中初詣闕獻詩百首授同州澄城縣尉改美原丞貞元中副元帥渾瑊奏辟爲從事厯殿中丞侍御史

豫章書 省志 府志

按省志同州作同知誤今改正

熊孺登元和進士有詩名白樂天向元貞亟稱之嘗與白樂天劉夢得相唱和白有洪州逢孺登詩云靖安院裏

新建縣志

卷三十九

人紀文苑

六

辛夷下醉笑狂吟氣最羸劉有送孺登歸鍾陵詩云篋留馬卿賦袖有劉宏書嘗作絕句送弟孺復往廬山曰能騎竹馬辨西東未省烟花暫不同第一早歸春欲盡廬山好看過湖風官西川從事有詩集一卷族子執易並有名

豫章書 省志 府志 南州舊聞

按南州舊聞孺登題逍遙樓傷韋大夫詩利及生人無更爲落花流水舊城池逍遙樓上雕龍字便是羊公墮淚碑今西山逍遙閣延之逍遙亭尚留人耳知逍遙樓者少矣

來鵬詩思清麗常游楚寒食有詩曰分明記得還家夢徐孺宅前湖水東當時誦爲佳句韋尚書宙觀察西江甚重之南昌耆舊記 省志 府志

閔廷言文格高絕咸通中與來鵬齊名王棨嘗謂同志曰閔生之文酷似西漢有漁腹誌一篇棨尤所推服省志喻鳧開成中登進士第以詩名于時徙家睦州嘗與方干賦詩往還事見宋元豐中黃廉所作喻府君墓表及方于詩集仕至烏程尉有詩一卷行于世浙江志 明一統志 省志

新建縣志

卷三十九

人紀文苑

七

按一統志喻作俞

南唐

涂廙仕南唐爲本縣尉撰補豫章記

豫章書

省志

按豫章志記作者非一人吳徐整有豫章列士傳晉

熊默有豫章舊志宋雷次宗有豫章記唐初有豫章

古今記

失作者姓名

南唐涂廙有補豫章記明朱謀埠有

豫章耆舊傳又有南昌耆舊記

失名

今雷氏記僅傳數

條耆舊記止傳內篇皆非足本昔人撰述湮沒者可勝道哉省志原跋

按橫江涂氏家乘本廩之後與奉新涂氏同祖

陳睿其先廬陵人父岳唐時爲南昌觀察判官因家焉岳著唐書自高祖至穆宗爲統紀凡一百二十卷春秋折衷論三十卷以所爲述作號陳子正言十五卷辭賦歌詩別有編帙至睿仕吳爲翰林學士撰吳錄二十卷有子仕于南唐喬也善屬文以不肯降宋死別有傳唐撫言 省志

按睿訛作濬省志據史改定今從之

孫魴字伯魚家貧好學會廣明喪亂都官郎中鄭谷避亂
新建縣志

卷三十九

人紀文苑

八

居宜春魴往師之遂以詩名嘗與沈彭李建勳及齊已
虛中相倡和楊行密時以射策授都從事後仕南唐歷
官宗正郎詩僅百篇而金山甘露二篇尤膾炙人口金
山寺詩云萬古波心寺金山名日新天多利得月地少
不生塵過櫓妨僧定驚濤濺佛身誰言張處士題後更
無人 豫章書 南州舊聞 省志

按孫魴馬令南唐書有傳不詳何地人

王定保字翊聖少與曹松同棲廬山十年唐光化中舉進
士辟寧遠軍巡官時天下已亂定保辟地於廣州節度

使劉隱招爲幕客梁末帝時隱弟劉龔欲僭號憚王定保不從遣定保使荆南遂襲國號南漢及還懼其非已使倪曙勞之告以建國定保曰建國當有制度吾入南門清海軍額猶在四方其不取笑乎龔笑曰吾備定保久矣而不思此宜其譏也授定保禮部郎中知制誥假秘書監使于吳楊行密見而奇之禮待甚厚累遷中書侍郎平章事雅好著述老而彌篤有撫言十五卷文集三十卷 十國春秋 五代史 省志
按南州舊聞龔讀作儼

新建縣志

卷三十九

人紀文苑

九

宋

何蒙字叔昭少精春秋左氏傳李煜時獻書言事署錄事叅軍入宋授洛州推官太平興國五年調遂寧令太宗征契丹還作詩以獻召見授右贊善大夫三遷水部員外郎通判廬州郡中火燔廨舍權務俱盡蒙假民器貸鄰郡麴米爲酒旣而課增倍部使上其狀詔賚緡錢獎之稍遷司門巡撫使潘慎修薦其材敏驛召至京訪以江淮茶法蒙條奏利害稱旨賜緡魚及錢十萬後二日復對又上淮南酒權便宜特改庫部郎中因命至淮右

提總其事歲有羨利使還留提舉在京諸司庫務求外
知溫州坐舉人不當削一官真宗召復前資請開淮南
鹽禁時卞袞楊允恭以禁鹽爲便共排抑之出知梧州
改水部郎中上所著兵機要類十卷歷官至光祿少卿
致仕卒年七十七

宋史

明一統志

省志

府志

潘慎修字成德父承祐初仕閩後仕李景至刑部尚書致
仕慎修以廕爲秘書正字累遷水部郎中兼起居舍人
隨李煜弟從鎰入貢且求緩兵會捷書屢至邸吏促入
賀慎修謂國且亡當待罪何賀也時皆稱其得體歸朝

新建縣志

卷三十九

人紀文苑

十

授右贊善大夫仍爲煜掌記室煜卒後改太常博士歷
膳倉二部員外郎又遷考功員外郎通判壽州知開封
縣又知湖梓二州淳化中李至薦直祕閣太宗聞其善
奕屢召對慎修作碁說以獻因寓規諷太宗覽而稱善
俄直昭文館累遷倉部考功二郎中咸平中副邢昺巡
撫兩浙俄同修起居注景德初衰老求外任真宗稱其
溫雅不忘舊主得臣子之操宜留秘府聽解記注數月
擢右諫議大夫翰林侍讀學士從幸澶州遘寒疾卒年
六十九錄其子汝士大理評事汝礪奉禮郎爲人風度

醞籍博涉文史多讀道書善清談當時士大夫咸推其素尚然頗恃前輩待後進倨慢人以此少之有集五卷汝士至工部員外郎直集賢院

宋史

省志

府志

楊志

按楊志載寇準數毀慎修及準知鳳翔謗議沸至慎修承命驗治反薦準有將相材所坐皆註誤不足罪真宗以爲然嘗稱慎修長者因書姓名於御屏

潘淳字子真興嗣之孫淳少穎異好學不倦淹貫經史百家之言師事黃庭堅尤工詩曾鞏知洪州乞錄興嗣後

新建縣志

卷三十九 人紀文苑

十一

尚書右丞黃履復以淳爲請補授建昌縣尉陳瓘劾蔡京言者目淳爲瓘親黨坐奪官不以介意歸自稱谷口小隱所著詩并詩話補遺傳世

省志

府志

楊志

按楊志履復作履福

洪朋字龜父父民師爲石州司法參軍性孝以毀卒朋幼孤受業于祖母文成君李氏手不釋書落筆成文尤長于詩舅黃庭堅嘗謂龜父筆力扛鼎異日不患無聞兩

貢禮部不遇早卒遺藁有清非集

省志

府志

洪炎字玉父與兄朋弟芻羽俱以文詞名世號四洪舉進

士爲穀城令坐元祐名人貶竄復知潁上譙縣並有循政累官著作郎秘書少監罷高宗初召爲中書舍人時方倥偬除目填委炎操筆立成訓詞典雅尙列嘆服有西渡集嘗編列仙臞儒事蹟三卷號塵外記又手錄雜家小說行于世

南昌耆舊記

省志

府志

按省志科目洪炎登進士馬涓畢漸榜互見洪芻洪羽一注南昌人一注建昌人一榜之內名皆重出府志並作南昌人洪氏爲建昌著姓寓會城久而成家考陳宏緒江城名蹟洪氏故宅在城東北隅南州舊

新建縣志

卷三十九

人紀文苑

十一

聞傳紀無殊其後嗣散居新建者甚衆今斷以爲新建人

洪芻字駒父有詩名靖康初爲諫議大夫坐事流沙門島嘗著豫章職方乘老圃集及編楚漢逸書若干卷

省志

府志

按文獻通考芻有香譜一卷

闕伯益嘉定進士仕至大理寺卿父汝明紹興進士有文名堇時羣鳥集墓今其地名曰鳥山宋末新建以文學教授者伯益與程靈齊名五溪丁氏郡塘鄧氏青嵐

羅氏各家乘中載伯益所載詩文斐然可觀或曰闕氏之先有文彬者初仕周至宋加封開撫侯官右贊善有太平興國年勅命遐哉莫可稽云 闕氏家傳

唐元齡寶祐進士工詩今僅傳鬱林寺一律詩云一徑通深窈叢林獨蔚然神仙棲佛屋香火當僧田罕見催科吏誰譚丈字禪吳儂來拜朔僕指滿三千諸篇散漚而此獨傳行實出處更莫可考吁可惜也 西江詩話

元

楊璿字季子家世以文章稱璿以工詩與兄鑑齊名至正

新建縣志

卷三十九

人紀文苑

十三

初用薦以布衣入史館爲校勘史事畢調唐元衛教授歷中書檢校官時天下多故朝廷遣名臣經畧江南得承制行事璿辟從事以行至閩道以疾卒鑑詩淳厚典則浸淫漢魏璿詩視其兄各自名家其冲邃幽靚之思往往能道人之所不能言 王忠文季子詩篇序 省志

凌雲標字伯原元至正間鄉試解首師事龔道源道源以五經教授鄉里愛雲標力學以女妻之所與友者范德機藍達善揭傒斯皆時聞人雲山夜話及詩翼十五卷雲標師道源時所共著述者傒斯爲之序初李明道據

富州時屢辟雲標以自助雲標辭之然多所箴勸明道
卒爲善士劍水以西右族細民率弗懼荼毒者咸曰此
凌先生之力 凌氏家傳

明

鄒準字一平甫四歲父魯奇命對鷺毛雪卽應曰羊角風
九歲時方伯宴寮屬于滕王閣卽景得句黃鳥呼風當
一戶立衆莫能續因召準準援筆云黑龍拖雨過江來四
座驚異一日戲攀柳枝有叩之者輒曰吾在此間吟遂
口占板條折楊柳欲折忍着手柳上有黃鸝殷殷勸求

新建縣志

卷三十九

人紀文苑

十四

友十歲補邑諸生試輒冠軍成化丙午舉于鄉庚戌公
車幸京邸年三十有二著作多散佚流傳人口者有江
城春景詩城南城北覓春光短袖輕衫逸興長燕啄柳
花低拂水蟻拖松粉過行墻雨來磨洗舊山色風去吹
噓新草香回首白雲最高處寥天鐘鼓送斜陽九日詩
倚仗西風萬戶涼客窓樽酒對重陽望迷紅樹心先醉
吟入黃花詩更香半壑秋聲鯨吼雨一天寒氣鴈呼霜
憑高自嘆乾坤窄笑指腰間劍刃鉞 楊志
喻應夔字宜仲均之子由貢生官興山知縣工詩與鉛山

費無學善有集陳允衡選入詩慰中 西山志

樂鏜字用鳴嘉靖間以祖勲世襲指揮僉事喜爲詩與余
曰德往來廣和曹天慶嘗語鏜曰將軍不好武稚子總
能文惟君家差與相似蓋鏜仲子繼同亦敦儒素云繼
同貳守岳州時刻其父詩集二卷大學士李春芳序之
南州舊聞

朱多燿字崇良瑞昌王府鎮國中尉父奉國將軍拱搆嘗
以議禮稱旨賜勅諭有聲貴遊間燿博雅好詩始與多
燿齊名晚益精進評者謂其沉著濶達有先進典型云

新建縣志

卷三十九 人紀文苑

十五

省志 府志

朱多燿字用晦瑞昌王府奉國將軍善爲詩與里人余曰
德相倡和因介李于鱗王元美間數吟咏往還以此譽
延海內有芙蓉園臺時建安輔國將軍拱搆亦以文雅
知名著瑞鶴堂詩集爽臺臺各二卷 省志 府志

朱統錯字時卿以王孫封奉國中尉僻處城東賓客罕至
傾祿入以購祕冊得輒讀讀輒歷歷不忘每舉子試二
三場畢持試目問所出統錯必備註其語出某書某卷
某葉事則出某代某年取而質之無片言隻字之牴牾